

REQUESTE PRESENTÉE

AV ROY PAR MESSIEURS

de Courtenay le quinziesme

Decembre, mil six cens trois.

IRE,

S Comme il eust pleu à vostre Majesté selon sa bonté accoustumee receuoir la tres-humble requeste que luy presenterent ceux de la maison de Courtenay, le dixseptiesme Feburier dernier passé, & leur commander d'auoir patience & ne presser lors ceste poursuite à laquelle ils ont esté portez pour se conseruer l'honneur de leur naissance, Ils ont tousiours esperé, qu'ayant esgard à la iustice de leurs tres-humbles supplications, elle auroit agreable d'ordonner qu'il y fust

A

pourueu. Ce qu'ayans iufques icy
attendu avec humble fubmiffion,
ils la fupplient tres-humblement
de leur pardonner l'importunité
qu'ils font contraints de luy faire
en cefte instance, en laquelle elle
confiderera (s'il luy plaift) que ne
s'agiffant feulemēt d'un fimple
deuoir enquoy ils font tenus en-
uers leur honneur, mais auffi de
l'honneur entier de leur maifon,
de leur famille & de leur pofteri-
té, rien ne leur peut eſtre plus
cher ny de plus grande importan-
ce. On dira à voſtre Majesté, Sire,
que les Roys vos predeceffeurs
depuis vn long-temps n'y ont pas
autrement pourueu, mais elle ſe
representera (s'il luy plaift) qu'ils
n'en ont pas eſté requis: les peres
de ceux-cy ſe voyans avec leur
peu de biens en leur vie priuee,

que du moins ils estoient sans iniure, & que ne s'agissant de la qualité de leur maison, les témoignages publics en faisoient foy. Si elle leur eust esté debated ou mise en fait, ils doyent croire de l'équité desdits Roys, que leurs peres y ayans eu recours elle ne leur eust defailluy : comme ceux-cy ayans esté contraints de recourir à vostre Majesté ont creu deuoir attendre de sa bonté & de sa iustice la conseruation de cest honneur l'enrequerans & l'en supplians comme ils font, avec toute humilité. L'indignité qu'ils ont receuë (Sire) leur auoit donné assez de ressentiment d'une iuste douleur, & ce leur a encores esté vn extrême desplaisir d'auoir appris que l'on ayt fait entendre à vostre Majesté, que de gayeté de

cœur ils l'ayent recherchee pour donner couleur à leurs plaintes & fuiet de se faire cognoistre. Mais (Sire) les actes qui en sont encores en l'vne de vos Cours souueraines les purgent de ceste calomnie. Dieu en leur mauuaise fortune leur a fait ceste grace qu'ils ne se sont iamais tant oubliés, que d'auoir pensé de rechercher par voye honteuse & indigne d'eux à s'auantager del'honneur, lequel leur estant naturel, ils ont tousiours deu croire leur estre libre de faire cognoistre sous le regne de leur Roy legitime & droitturier. Et d'autant (Sire) que par tels & semblables offices, & mesmes sous couleur de quelque laps de temps & de la vie priuee de leurs peres qu'on met en auant, vostre Majesté pour le peu d'accez qu'ils

ont auprès d'elle pourroit auoir
esté diuertie de la cognoissance,
& n'auroit esté informée de la iu-
stice de leur cause, Ils la supplient
tres-humblement d'auoir aggre-
able qu'elle luy soit representee :
Elle cognoistra que le temps quel-
que eslongné qu'on le vueille pre-
tendre, ny la vie priuee de leurs
peres ou autre accident ne les ont
priuez de l'honneur du sang Royal,
lequel leur ayant esté continué
de pere en fils par vn ordre natu-
rel & legitime, leur a aussi esté
conserué en la manurention de la
loy perpetuelle de vostre Royau-
me, de laquelle vous estes le sou-
uerain protecteur. L'honneur de
la naissance (Sire) est de droit na-
turel qui est commun à tous peu-
ples: La recognoissance n'en est
refusée à personne, qui la deman-

de: Et ceux de ceste maison ayans
 estimé ne deuoir estre seuls priués
 du benefice commun de ceste Iu-
 stice naturelle, l'ont esperee de vo-
 stre Majesté, avec d'autant plus
 de confiance qu'ils ont creu sa
 protection l'asseuree forteresse de
 ceux qui s'y retirent, & comme
 l'ancre sacree à laquelle tous vos
 suiets doiuent tourner leurs vœux
 & leurs conseils. S'ils estoient de
 quelque famille ou maison priuée
 dont la recognoissance leur fust
 empeschée, ils auroient recours à
 la Iustice de vos Cours souuerai-
 nes pour y estre pourueu, Mais
 ayans l'honneur d'estre de la mai-
 son de France, c'est de vostre Ma-
 jesté mesmes, Sire, qui en est le
 chef souuerain, c'est de son equi-
 té naturelle qu'ils attendent ceste
 Iustice, & à elle à qui tres-hum-
 blement

blement ils la demandent. Ils ne demandent rien de l'autrui, ils n'ont point esté nourris à l'ambition, aussi n'ont ils point ceste presumption de vouloir importuner vostre Maiesté de leur donner des Estats ou d'autres biens-faiçts, ils ne presument point d'auoir merité ces graces & ces faueurs, desquelles comme souuerain dispensateur elle dispose ainsi, & quand il luy plaist. Ils s'arrestent seulement à l'honneur qui leur est de naissance acquis par le droit du sang, lequel apres auoir esté contraints de mettre publiquement en fait, ils sont obligez de ne plus laisser en doute, pour ne se faire ce preiudice notable & à leur posterité, que de laisser vn subiect de reproche & mesmes d'un preiugé contr'eux, que pour

quelque crime ou meschanceté (dequoy ils louënt Dieu qu'aucun de leur maison n'a iamais esté accusé) ils en eussent esté priuez ou reputez indignes: Comme ils ne doutent point que s'il auoit esté debatu ou desnié à leurs pères, tel acte aujourd'huy n'auroit pas esté oublié de leur estre représenté. C'est pourquoy (Sire) puis qu'il a pleu à Dieu leur faire ceste grace de les faire naistre du sang Royal de la maison de France, issus legitiment en ligne masculine, Ils supplient tres humblement vostre Maiesté d'auoir agreable qu'ils soyent recogneus & tenus pour tels, & que cest honneur leur soit rendu libre & conserué entier sous vostre protection. Ils tiendront eux & les leur à tousiours ceste obligation de vostre Maiesté

comme de l'auteur & protecteur
de leur estre. Ainsi ils prient Dieu
vous vouloir heureusement con-
server & les rendre dignes de
l'honneur de vos bonnes graces,
comme vos tres-humbles tres-o-
beyssans & tres-fideles subiects & *En Decemb*
seruiteurs. *1603.* Ainsi signe!

GASPARD de IACQUES de
COVRTENAY. COVRTENAY.

IEAN de RENE' de
COVRTENAY. COVRTENAY.

IEHAN de
COVRTENAY.

